

Qaasuitsup Kommunua K2 - Syd  
Kommunalbestyrelsi

Hansen, Ane	IA
Olsen, Peter	IA
Sørensen, Hector Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S
Sandgreen, Enok	S
Mølgaard, Timooq	S
Jeremiassen, Otto	S
Jeremiassen, Nikolaj	S
Broberg, Kristian	S
Petersen, Naja	A

<b>Ataatsimiinnermi aqutsisoq:</b>	Kristian Broberg, S
<b>Imaqarniliortoq:</b>	Hans Eriksen
<b>Immikkut ittumik aggersakkat:</b>	Aqutsisooqatigiit
<b>Ima ataatsimiittoqarpoq:</b>	<b>Aasiaani najuulluni</b>

13. MAJ 2017

QAASUITSUP KOMMUNIA K2 - SYD  
Niels Egedes Plads 1, Postboks 220, 3950 Aasiaat

## Ullormut oqaluuserisassaq

<b>IKAARSAARIARNERMUT ATAATSIMIITITALIAP 2017-IMI SULIASSAI PILLUGIT ILISIMATITSINEQ</b> .....	2
<b>17-001 KOMMUNALBESTYRELSIMI SIULITTAASUSSAMIK TOQQAANEQ</b> .....	4
<b>17-002 IKAARSAARIARNERMUT ATAATSIMIITITALIAP SULERIUSISSAANIK AKUERSINEQ</b> ...	5
<b>17-003 IKAARSAARIARNERMUT ATAATSIMIITITALIAMI SIULITTAASUP TULLIA SIULLEQ TAASSUMALU TULLIANIK TOQQAANEQ</b> .....	6
<b>17-004 AQUTSINERMUT ILEQQOREQQUSASSAQ NUTAAQ</b> .....	7
<b>17-005 ALLAFFISSORNIKKUT AAQISSUUSSAANERMUT SIUNNERSUUT</b> .....	9
<b>17-006 2017-MI ATAATSIMIIFFISSAT</b> .....	11
<b>17-008 ANINGAASAQARNERMUT ATAATSIMIITITALIAP ILAASORTASSAANIK TOQQAANEQ</b> .....	13
<b>17-009 BORMESTERIP TULLERSORTAATA SIULLIUP ANINGAASATIGUT AJUNNGITSORSIASSAI PILLUGIT AALAJANGERNEQ</b> .....	15
<b>17-010 KOMMUNIP TAAGUUTAANIK ILISARNAATAANILLU INASSUTEQAASIORTUSSANIK PILERSITSINEQ</b> .....	16
<b>17-011 ILISIMATITSISSUTIT: SIUNNERSUISOOQATIGIINNI, ATAATSIMIITITALIANI, ANINGAASAATEQARFINNI, SIULERSUISUNI IL.IL. ILAASORTASSANIK TOQQARTUINEQ</b> ....	17
<b>ATAATSIMIINNEQ NAAVOQ</b> .....	19
<b>ATSIORFISSAQ:</b> .....	19

### Eqqartugaq Ullormut oqaluuserisassat akuerineqarneri

#### **Ullormut oqaluuserisassat pillugit allaffissornermik sulialinit oqaaseqaatit:**

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi § 4-imi allassimasut naapertorlugit kommunalbestyrelsi qinigaarlaaq qinigaanerup kingorna inissitiserluni ataatsimiissaaq qinersinermi ataatsimiititaliami qinersineq pillugu maalaarutaasimasinnaasunik aammalu ilaasortanngortut qinigaasinnaanerat pillugu naliliisoqareeraangat. Ullormut oqaluuserisassat suliaralugit naammasinerisa nalaanni qinigaasinnaatitaanermut ataatsimiititaliap ilaasortat qinigaasinnaatitaaneri misissorlugit suli naamamssisimangilaq. Taamaattoq allaffissornermik suliallit ilisimatinnearput, qinigaallutik ilaasortanngortut qinigaasinnaatitaasutut akuerineqareersimasut aamma sinniisut ilaat ataasiakkaat misissuiffigineqarnissaat kisinngorussimasut. Suliat taakkua misissorneqarput. Qinigaasinnaatitaanermut ataatsimiititaliap allaffeqarfia politimestereqarfimmut uppersaatit piniarpoq. Eqqartuussisumit atsiornillit aamma eqqartuussivik angunngikkaluarlugu akiligassallit politimesterimut akiliisinnegareerpata taakkua qinigaasinnaatitaanermut ataatsimiititaliamut nassiunneqareersimaleripata inassuteqaasiorfigineqarsinnaalissapput. sulineq aallartereerpoq aamma suliat qaqugu aalajangiiffigineqarsinnaassanersut ilisimatitsissutigineqarsinnaangilaq.

Ilaasortatut qinikkat tamarmik qinigaasinnaatitaanngitsut akornaniinngimmata aamma 1.juni 2017 nallertinnagu inissitiserluni ataatsimiittoqartussaassamat allaffissornermik suliallit – nunap iluani naalakkersuisoqarfik isumasioriarlugu – qinigaasinnaatitaanermut ataatsimiititaliap aalajangiinerisa tamanut saqqummiunneqarnissaat sioqqullugit inissitiserluni ataatsimiisitsisoqarnissaq toqqissisimanartinnngilaat.

#### **Aalajangerneq:**

**Inassutigineqartoq akuerineqarpoq.**

<b>Suliap normua</b>	Ilisimatitsissut
<b>Eqqartugaq</b>	<b>Ikaarsaariarnermut ataatsimiititaliap 2017-imi suliassai pillugit ilisimatitsineq</b>

Kommunini suliassaqrfiit aqqissuuteqqinneqarnerata allangortinneqarneranik Inatsisartut inatsisaat nr. 30, 28. november 2016-imeersumi §§ 9-12:

§ 9. Ikaarsaariarnermi ataatsimiititaliat pingaarnertut suliassaat tassaavoq Qaasuitsup Kommuniata kommuninut marlunnut nutaanut avinneqarnissaata piareersarnissaa.

§ 10. Ikaarsaariarnermi Ataatsimiititaliat kommunit nutaat aqutsinermut ileqqoreqqusassaannik suleriaasissaannillu suliaqassapput.

*Imm. 2.* Ikaarsaariarnermi Ataatsimiititaliat aningaasaqarnermut ataatsimiititaliamik tamarmik immikkut pilersitsissapput taassumalu ataani ataatsimiititalianik allanik pilersitsisinnaallutik.

§ 11. Ikaarsaariarnermi ataatsimiititaliat aalajangersakkat 1. januar 2018 -imiit atuutilersumi inatsimmi pisortat suliassaqrfiinik kommunit nutaat nakkutiginnissinnaanerannik aalajangersakkat pisariaqartitat aalajangiiffigissavaat.

*Imm. 2.* Ikaarsaariarnermi ataatsimiititaliat kommunip nutaap qanoq ateqarnissaanik sumillu ilisarnaateqarnissaanik kissaatitik kingusinnerpaamik ulloq 1. august 2017 aalajangiiffigissavaat.

§ 12. Ingerlatsiviit siunissami sumi inissinneqassanersut ikaarsaariarnermi ataatsimiititaliat aalajangiiffigissavaat.

*Imm. 2.* Kommunimi nutaami allaffeqarfik ikaarsaariarnermi ataatsimiititaliat piareersassavaat, allaffeqarfiullu pilersinneqarnissaanut allaffissornermi aqutsisut pisariaqartumik amerlassuseqartut atorfinitsissallugit.

*Imm. 3.* Sumi inissiinissaq allaffissornermilu aqutsisunik atorfinitsitsinissat kingusinnerpaamik 31. december 2017 aalajangiiffigineqareersimassapput.

Aallarniutigalugu inatsimmi oqaaseqaatit innersuussutigineqassapput, ilanngussatut taakkua nassiuneqarput. Inatsit pillugu oqaaseqaatit issuarlugit ima allassimasut ataani atuarneqarsinnaapput:

Ikaarsaariarnermut ataatsimiititaliat kommunit nutaat piareersarnerini pingaarutilimmik inissisimasussaapput.

Ikaarsaariarnermut ataatsimiititaliat Qaasuitsup Kommuniata avinneqarluni naammassinissaata tungaanut piffissami ikaarsaariarfimmi atuutissapput. Ikaarsaariarnermut ataatsimiititaliat ilaatigut makkua isummerfigissavaat: kommunit nutaat qanoq pilersinneqarnissaat pissanersoq aalajangersaasussaapput.

Qaammatit arfineq-pingasut ingerlanerini pisussat ikaarsaariarnermut ataatsimiititaliap katiterlugit pilersaarusiortussaassavai, taamaalilluni kommunit nutaat 1.januar 2018-imi atuutilertussaassapput.

Ikaarsaariarnermut ataatsimiititaliat kommunit aqunneqarneri pillugit inatsisartut inatsisaani aalajangersakkat malillugit inissitertussaapput. Ikaarsaariarnermi ataatsimiititaliamut ilaasortani utoqqaanersq inissiternerluni ataatsimiinnissamut aggersaassasoq siunnersuutigineqarpoq.

Aqutsinermut inatsimmi aalajangersakkat aamma malillugit inissitersoaqassaaq, taamaattorli inissititerluni ataatsimiinnissaq kingusinnerpaamik 1.juni 2017-imi pisussaassaaq.

Aqutsinermut inatsimmi aalajangersakkat naapertorlugit borgmesterimik, borgmesterip tullianik aamma borgmesterip tullersortaata tullianik toqqartueriaaseq atorlugu ikaarsaariarnermut ataatsimiititaliami ilaasortat siulittaasussaminnik, siulittaasup tullersortissaanik aamma siulittaasup tullersortaata tullissaanik toqqartuissapput. Avinnerup kingorna ikaarsaariarnermut ataatsimiititaliat kommunini nutaani kommunalbestyrelsitut 1.januar 2018-imiit atuutilissasut siunnersuutaavoq. Ikaarsaariarnermut ataatsimiititaliami siulittaasut immikkut kommunini nutaani borgmesteritut ingerlaannassapput, siulittaasup tullia borgmesterip tullersortigilissavaa aamma siulittaasup tulliaa tullia borgmesterip tullersortaata tulliatut ingerlalissapput.

Ikaarsaariarnermi ataatsimiititaliami ilaasortat aqutsinermut inatsimmi kommunalbestyrelsini ilaasortat akissarsiaassaasa aalajangersagartai naapertorlugit akissarsiaqartinneqassasut siunnersuutigineqarpoq. Taassuma assinganik siulittaasooq, siulittaasup tullia aamma siulittaasup tulliaa tullia borgmesterip, borgmesterip tulliaa kiisalu borgmesteri tulliaa tulliaa akissarsaanik aalajangersakka malillugit akissarsiaqartinneqassasut siunnersuutigineqarput.

Ikaarsaariarnermut ataatsimiititaliat pingaanertut suliassaat tassaavoq Qaasuitsup Kommuniata avinneranik suliaqarneq, kiisalu kommunit marluk nutaat pilersinnissaasa pilersaarusiorderi ingerlanneqarnerilu, taamaalilluni kommunit nutaat marluk toqqissisimanartumik kommunitut oqartussaaffiup akisussaaffitaanik 1.januar 2018-imi tiguisinnaanissaat qulakkeerniartussaassaavaat.

Taamaattumik ikaarsaariarnermut ataatsimiititaliat suilliit ilaattut suliassaat ukuussasut siunnersuutaavoq: aningaasaqarnermut ataatsimiititaliamik aamam ataatsimiititalianik pisariaqartinneqartunik allanik pilersitsinerit. Kommunit aqunneqarneri pillugit inatsisartut inatsisaanni aalajangersakkat uani aamma atorneqartussaassapput. Ikaarsaariarnermut ataatsimiititaliat kommunini nutaani aqutsinermut ileqqoreqqusanik aamma aalajangersaasussaapput kiisalu ikaarsaariarnermut ataatsimiititaliat sulinermini suleriesissaannik aalajangersaasussaassallutik. Kommunit aqunneqarneri pillugit inatsisartut inatsisaanni, inatsimmut oqaaseqaatit, uani aamma atorneqarsinnaalluarmata inissititerluni ataatsimiinnermi taakkua malillugit sulinissaq siunnersuutigineqarpoq.

Kommunit taaguutissai aamma kommunit ilisarnaatissai ikaarsaariarnermut ataatsimiititaliap kingusinnerpaamik 1.august 2017 aalajangersaaffigisussaavaat. Inatsisartut 2017-imi ukiakkut ataatsimiinnerminni kommunip avinneqarnera pillugu inatsisartut inatsisissaatut siunnersuut suliarisussaammassuk taamatut aalajangersaanerup sukkasuumik pinissaa pingaarpoq.

Ingerlatsiviit sumi siunissami inissisimanissaannik aamma aalajangersaasoqartussaavoq. Ingerlatsiviit najukkami ataatsimi katersorneqartariaqanngillat, kommunilli nutaat illoqarfiini agguataarlutik inissiortorneqarsinnaapput. Ingerlatsiviit ataasiakkaat inissisimaffissaat ikaarsaariarnermut ataatsimiititaliat aalajangissavai, soorlu aamma ikaarsaariarnermut ataatsimiititaliat kommunimi nutaami allaffissorneq piareersartussaavaat aamma allaffissornermik suliallit pisortassaasa amerlassusissaat pisariaqartitatik atorfinittussaassagaat. Suliaq taanna kommunip avinnissaa 1.januar 2018 sioqqullugu naammassineqarsinnaassasoq ilimagineqarpoq.

Kommunimi nutaami ingerlatsiviit siunissami inissisimaffiinik ikaarsaariarnermut ataatsimiititaliaq aalajangereerip, atorfillit sumi inissisimassanersut sukkanerpaamik pilersaarusiortoqartariaqarpoq. Pilersaarutit pillugit atorfillit ingerlaavartumik ilisimatinneqassapput aamma atorfillip suliffianik nuussineq siusissukkut sapinngisamik nalunaarutigineqassaaq, taamaalilluni atorfilik suliaq malersorlugu nuunnissaminik kissaateqassanngippat atorfimminit soraarniuteqarnissaminut suliunnaarnissamik nalunaaruteqartarnermi periuseq malillugu periarfissinneqassaaq. Sulisut suliarninnik malinninnissaat aallaaviusussaavoq. Taamaattoq atorfilik suliaq malersorlugu nutaamik atorfiniffissaminut nuulluni atorfinitsinneqarnissaminik kissaateqassanngikkuni atorfimminit soraarniuteqarnissaminut qaqugukkullunniit nalunaaruteqarsinnaatitaavoq.

Inatsisit taakkununga atuomassuteqartut ullormut oqaluserisassanut ukununga ilanngullugit nassiunneqarput, inatsisit pillugit oqaaseqaatit ilanngullugit.

<b>Suliap normua /eqqartugaq</b>	<b>17-001 Kommunalbestyrelsimi siulittaasussamik toqqaaneq</b>	<b>Ilangussap normua</b>	001
		<b>Journal nr.</b>	

**Suliap saqqummiunneqarnera:**

Kommunini suliassa qarfiit aqqissuuteqqinneqarnerata allangortinneqarneranik Inatsisartut inatsisaat nr. 30, 28. november 2016-imeersoq:

**§ 4.** Ikaarsaariarnermi ataatsimiititaliami ilaasortaq utoqqaanersaq inissititerluni ataatsimiinnissamut aggersaassaaq.

*Imm. 2.* Ikaarsaariarnermi ataatsimiititaliaq inissititissaaq Inatsisartut inatsisaanni kommunit aqunneqarnerat pillugu aalajangersakkat naapertorlugit. Inissititerluni ataatsimiinneq kingusinnerpaamik 1. juni 2017 ingerlanneqarsimassaaq.

*Imm. 3.* Ikaarsaariarnermi ataatsimiititaliat isumaqatigiinniarneri ikaarsaariarnermi ataatsimiititaliani siulittaasut qinerneqarnissaasa tungaanut ilaasortamit ataatsimiinnissamut aggersaasumit aqunneqassapput.

**§ 7.** Kommunini nutaani taakkunani ikaarsaariarnermi ataatsimiititaliani siulittaasut borgmesteritut, siulittaasut tullii borgmesterip tulliatut siulittaasullu aappaat borgmesterip tulliaata aappaattut ingerlaqqissapput.

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 6 naapertorlugu kommunalbestyrelsimi ilaasortat akornannit kommunalbestyrelsip siulittaasua toqqarneqartussaavoq (uani: Ikaarsaariarnermut ataatsimiititaliap) inissititerluni ataatsimiinnerani. Amerlanerussuteqartut aalajangigaat malullugu toqqaasoqassaaq (§ 6, imm. 2).

Siulittaasumik toqqaanerup kingorna ataatsimiinneq toqqagaasumit taassuminnga aqunneqalissaaq.

**Inassuteqaat****Kommunalbestyrelsi siulittaasussaminik toqqaqquneqarpoq.****Ilangussat:**

Inatsisartut inatsisaat nr. 22, 18. november 2010-meersoq

Kommunini suliassa qarfiit aqqissuuteqqinneqarnerata allangortinneqarneranik Inatsisartut inatsisaat nr. 30, 28. november 2016-imeersoq

**Aalajangerneq:**

**Ane Hansen K2-p ikaarsaariarnermut ataatsimiititaliaani siulittaasutut toqqarneqarpoq, 13-t akuerisut, akerliusoqanngilaq marlullu taasinatik.**

<b>Suliap normua /eqqartugaq</b>	<b>17-002 Ikaarsaariarnermut ataatsimiititaliap suleriesissaanik akuersineq</b>	<b>Ilangussap normua</b>	
		<b>Journal nr.</b>	

**Suliap saqqummiunneqarnera:**

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 1 imm. 3 naapertorlugu kommunalbestyrelsip (Ikaarsaariarnermut ataatsimiititaliap) nammineq suleriesissani aalajangersassavaa.

Kommunini suliassaqaarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersumi § 10 naapertorlugu inissititerluni ataatsimiinnermi suleriesissaq akuerineqarsinnaavoq.

Siunnersuut Qaasuitsup Kommuniani atuuttup assinganik imalik siunnersuut saqqummiunneqarpoq, taamaattorli taanna inatsimmi allannguutitut naqqissuiffigineqarnikuuvoq. Ikaarsaariarnermut ataatsimiititaliap kommunalbestyrelsinngoreeruni taanna 1.januar 2018-p kingorna nutartissagaa innersuussutigineqarpoq, taamaalillunimi kommunip taaguutaa aamma nalimmasarneqarsinnaalissaaq.

**Inassuteqaat:****Suleriesissatut siunnersuut akuerineqassasoq inassutaavoq****Ilangussat:**

1. Suleriesissatut siunnersuut.

**Aalajangerneq:**

<b>Inassutigineqartoq akuerineqarpoq.</b>
---

<b>Suliap normua/eqqartugaq</b>	<b>17-003 Ikaarsaariarnermut ataatsimiititaliami siulittaasup tullia siulleq taassumalu tullianik toqqaaneq</b>	<b>Ilangussap normua</b>	
		<b>Journal nr.</b>	

Suliap saqqummiunneqarnera:

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 6, imm 4, naapertorlugu siulittaasup tullia kommunalbestyrelsimi ilaasortaasuneersoq toqqaarneqartarpoq (Ikaarsaariarnermut ataatsimiititaliap) ataatsimiinnermi siullermi.

Kisitseriaaseq d`hondtsmetodemik taaneqartartoq tunngavigalugu qinersisarnermi periuserineqartartoq atorneqassaaq (§35) naapertorlugu.

Inassuteqaat:

**Ikaarsaariarnermut ataatsimiititaliaq qinnuigineqarpoq siulittaasup tullianik siullermik kiisalu tullianik toqqaqqullugu.**

Ilangussat:

Soqanngilaq

Aalajangerneq:

**Otto Jeremiassen (S) siulittaasup tullia siullertut toqqaarneqarpoq aamma Hans Aronsen (IA) siulittaasup tullia tulliatut toqqaarneqarpoq 13-inik taasisoqarluni, akerliusoqanngilaq marlullu taasinngitsoorput.**

<b>Suliap normua /eqqartugaq</b>	<b>17-004 Aqutsinermut ileqqoreqqusassaq nutaaq</b>	<b>Ilanng. nr.</b>	
		<b>Journal nr.</b>	

Uteqqiineq:

Ikaarsaariarnermut ataatsimiititaliaq aalajangiussaartussaavoq Kommuni K2-mi politikikkut aaqqissuussaaneq pillugu, 1.januar 2018 atuutiletussamik.

Suliap saqqummiunneqarnera:

Kommunini suliassa qarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq § 10 naapertorlugu ikaarsaariarnermut ataatsimiititaliaq kommunimut nutaamut aqutsinermi ileqqoreqqusaliortussaavoq.

§ 10 immikk.2 naapertorlugu, aningaasaqarnermut ataatsimiititaliamik pilersitsisoqassaaq aamma ataatsimiittitalianik pilersitsisoqarsinnaavoq. Ataatsimiititaliat allat pilersinneqarsinnaapput kommunalbestyrelsini pioreersuni periusaasoq malillugu, inatsisartut inatsisaat kommunimi aqutsinermi peqqussutit tamatumunnga atuuttut naapertorlugit. Siunertaavoq ataatsimiititaliat taakku 1.januar 2018 kingorna ingerlaannarnissaat.

Aqutsinermut ileqqoreqqusaliat allanngortinnissaannut piunasaavoq ataatsimiinnerit tullerit marluk atorpeqassasut minnerpaamik ullunik 14-ninik akunnilerlugit. Suliap siullermeerneranni siunnersuut piviusunngortinniarneqassanngilaq aappassaanererneqarnissaanulli ingerlateqqinneqassaaq aalajangiiffigisussanngortillugu.

§9-mi allassimavoq: Ikaarsaariarnermi ataatsimiititaliat pingaarnertut suliassaat tassaavoq Qaasuitsup Kommuniata kommuninut marlunnut nutaanut avinneqarnissaata piareersarnissaa.

Piunasaqaataannngilaq aqutsinermut ileqqoreqqusassasut siunnersuutip inissitsiterluni ataatsimiinnerani siullermeerneqarnissaa. Allattoqarfiulli inassutiginiarpaa suliap engertumik aallartinneqassasooq, taamaalluni ikaarsaariarnermut ataatsimiititaliap kissaatai ataatsimiittitalianik pilersitsisinaanernut, aningaasaqarnermut ataatsimiititaliap saniatigut, piarnerpaamik atuutlerniassammata.

Allattoqarfimmiit ataatsimiititaliat pilersitassasut kissaatinut takussutissiaq tiguneqareerpoq. Taanna pingaarnertut "sinaakkutaassaaq" aqutsinermut ileqqoreqqusassap inaarsarnissaanut suliarinerani.

Taamaattumik ikaarsaariarnermut ataatsimiititaliaq qinnuvigineqarpoq ataatsimiititaliat pilersinneqartussaareersut takussutissartaanik nassiusseqqullugu kiisalu ataatsimiititaliat suliassaannut pisinnaatitaaffissaanullu paasissutissanik sukumiisunik itisiliisunillu ilanngussilluni, taakkununga ilaalluni qanoq annertutigisumik ataasiakkaat namminerisamik aalajangiisinaanernut pisinnaatitaaffeqassanersut aamma/ imaluunniit ataatsimiititalianut allanut inassuteqarsinnaanersut, ass. aningaasaqarnermut ataatsimiittitaliamut ikaarsaariarnermullu ataatsimiititaliamut. Allaffeqarfimmiit immikkut maluginiaqquaa, ataatsimiititaliat ataavartunut takussutissartaqanngimmat namminerisaminnik aalajangersinnaanernut immikkut pisinnaatitaaffeqarnersut 2017-mi.

Aningaasatigut kingunissai:

Inaarutaasumik aqutsinermut ileqqoreqqusaaq akuerineqarpat aningaasatigut kinguneqartitsissooq ataatsimiittitaliani siulittaasunngorumaartussat aningaasarsiaqartinnerisigut.

Inatsit tunngavigineqartoq:

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq Kommunini suliassa qarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq



**Inassuteqaat**

**Ikaarsaariarnermut ataatsimiititaliaq qinnuvigineqarpoq akuerseqqullugu, aqutsinermut ileqqoreqqusassatut siunnersuutissaq suliarineqassasoq ataatsimiinnermilu siullertut inissittumi siullermeerneqassasoq paasissutissat pisariaqartitanik itisiliisunik tigoreernerini.**

**Aalajangerneq:**

**Inassutigineqartoq akuerineqarpoq, naalakkersuineramik suliallit ima aaqqissuussaanissaat inassutigineqarluni:**

**Sanaartornermut avatangiisinullu ataatsimiititaliaq**

**Kulturimut, atuartitaanermut sunngiffimmullu ataatsimiititaliaq**

**Isumaginninnermut ilaqutariinnullu ataatsimiititaliaq**

**Inuussutissarsiutinut, takornariaqarnermut aatsitassanullu ataatsimiititaliaq**

**Nutaaliornermut, aallartisarnermut, ineriartortitsinermut paasissutissiisarnermullu ataatsimiititaliaq**

<b>Suliap normua /eqqartugaq</b>	<b>17-005 Allaffissornikkut aaqqissuussaanermut siunnersuut</b>	<b>Ilanng. nr.</b>	
		<b>Journal nr.</b>	

Uteqqiineq:

Kommunissani nutaani allaffissorneq 1.januar 2018 atuulluarsinnaassappat, ikaarsaariarnermut ataatsimiititaliap isummerfigissavaa, kommuneqarfissat nutaat allaffissornikkut qanoq aaqqissuussaanissaa, kiisalu atorfinititsissalluni pisariaqartitat amerlassusiliilluni allaffissornikkut aqutsisussanik allaffissornikkut aaqqissuussisussanik.

Suliap saqqummiunneqarnera:

Tamatumunnga atatillugu Qaasuitsup Kommuniani allattoqarfik allakkiamik ilanngussamiittumi, tassani aaqqissuussaanerut assigiinngitsunut pingasunut aaqqissuussaanikkut ilutsinik takussutissiorsimapput kommunissami nutaami allaffissoriaasissamut.

Siunnersuutit pingasuusut suliaasimapput iliuusissatut anguniakkat arfinillit aallaavigalugit Qaasuitsup Kommuniani allattoqarfiup innersuutigalugit, ikaarsaariarnermut ataatsimiititaliap allaffissornikkut nutaamik pilersitsiniarnermi kommunini marluulersussani suliareqqitassatut.

Iliuusissatut anguniakkat aamma atorsinnaapput ikaarsaariarnermut ataatsimiititaliap naleraasut, taakku qulakkeerinneqataassapput kommuneqarfinni nutaani allaffissornikkut immikkoortortat pitsaanerpaamik politikkikkut sulinerit ikorfartuiffiginiassamatigit, suliniarfissatut susassaqarfiiit aalajangersaavigineri aamma innuttaasut.

Ikaarsaariarnermut ataatsimiititaliap aalajangerpagu iluseq sorleq allaffissornikkut aaqqissuussaanermut atorunnerlugu kommunimi nutaassami, Qaasuitsup Kommuniani allattoqarfiup nangillugu suliarisassaatur, taamaattoq aamma suliasat allat suliarineqassapput, soorlu aaqqissuussami attaveqatigeeriaaseq, siunissami aaqqissuussaanerup ilusilersornera kiisalu akuutilerneqarnissaa. Immikkut taakku pingasut ilusilersukkatut nassuiaasiorsimapput qupp.7-mi.

Inatsit tunngavigisaaq:

Kommunini suliasaqarfiiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq – pingaartumik § 12-mi immikk.1 aamma 2.

Kingunissai:

Inassuteqaat susassaqarfinnut allanut sunniuteqassanganinneqanngilaq.

Aningaasatigut kingunissai:

Siunnersuutit aningaasatigut sunniuteqarnissaa ataatsimiinnermi tullermi saqqummiunneqassaaq aaqqissuussaanerup ilusissaata saqqummiunneqarneranut atatillugu.

Inassuteqaat:**Qaasuitsup Kommuniani ikaarsaariarnermut ataatsimiititaliamut allattoqarfiup inassutigai:**

1. iliuusissatut anguniakkat 6-t siunissami allaffissornikkut aaqqissuussaanissami akuerineqassasut allakkiami saqqummiunneqartut tak.qupp.2
2. ilutsit siunnersuutit pingasut arlaat ataaseq akuereqqullugu allaffissornikkut aaqqissuussaanissamut allakkiami allassimasutut, kommunimi nutaami allaffissornikkut aaqqissuussaanissaq ulloq 1.1.2018-miit
3. Qaasuitsup Kommuniani allattoqarfik pisinnaatillugu – ikaarsaariarnermut

ataatsimiititaliap tulliani ataatsimiinnissaata tungaanut, allaffissornikkut aaqqissuussaanissami nutaami Ikaarsaariarnermut ataatsimiititaliap akuerisaani, aaqqissuussaanerup attaveqarnerup suliarinera nangillugu aamma siunissami aaqqissuussaanerup ilusissaa.

Kingullertut taaneqartoq ikaarsaariarnermut ataatsimiititaliap tullissaani ataatsimiinnerani saqqummiunneqassaaq siunniullugu ikaarsaariarnermut ataatsimiititaliap siunissami aaqqissuussaanerup ilusissaa akuerissangaat, tassunga ilaatillugit aqutsisoqarnikkut aaqqissuussaaq, suliatigut agguataarineq allattoqarfimmi immikkoortoqarfiit akornanni ataatsimoortoqatigiit ilusilersungaaneri aammalu ataatsimoortumik nukiit.

Ilannussat:

- Aalajangiiffissatut allakkiaq – kommuneqarfinni nutaassani marlunni siunissami aaqqissuussaaq

Aalajangerneq:

**K2-mi ikaarsaariarnermut ataatsimiititaliaq aalajangerpoq aaqqissuussaanerup siunnersuut normu 2 akuerissallugu ikaarsaariarnermut ataatsimiititaliap pisariaqartitaanut aaqqissuussaaq taanna nalimmassarneqassasoq inassuteqaatigalugu.**

<b>Suliap normua /eqqartugaq</b>	<b>17-006 2017-mi ataatsimiiffissat</b>	<b>Ilanng. nr.</b>	
		<b>Journal nr.</b>	

Uteqqiineq:

Aqutsinermut inatsit naapertorlugu kommunalbestyrelsi (uani: Ikaarsaariarnermut ataatsimiititaliaq) ataatsimiinnermi inissitsiterfiusumi ukioq qinersiviusumi, ukiup ingerlanerani ataatsimiiffissat ullussai inississavaat.

Suliap saqqummiunneqarnera:

Ikaarsaariarnermut ataatsimiititaliap suliassaa pingaarnepaaq aallaqqaasiutitut ilisimatitsissutini ersippoq.

Ataatsimiiffissatut allassimaffimmi immikkut mianerineqassaaq, Inatsisartut inatsisaat Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. November 2016-imeersumi § 15, kingusinnerpaamik 1.juli 2017 2017-mut missingersuutissanik siunnersuusiortoqassaaq, kingusinnerpaamik 1.august 2017 sularineqareerlutik akuerineqarsimasussanik. Kingusinnerpaamik ulloq taanna aalajangiisoqassaaq kukkunersiuisunik toqqaasoqarluni aalajangiisoqarlunilu kommunip taaguutissanik ilisarnaattissaanillu.

Tamatuma saniatigut siunissami kommunip aqqissuussaaneranut aalajangiinnermi ingerlatsiviillu sumi inissinneqarneri isiginiarneqassapput, taamaalilluni sulisutigut pisariaqartitat piffissaangallartillugu inissereersimaniassammata ulloq 1.januar 2018 nallertinnagu.

Ataatsimiinnerit ataqatigiissaarfiuneri pisariaqarput/ pissapput Qaasuitsup Kommuniata ataatsimiiffissatut aalajangersagaanut naleqqussarlugit, pingaartumik 2016-mi naatsorsuutitut atatillugu immaqalu ilassutinik tapiissutitut, Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersumi § 18 malillugu.

Aammattaaq nalilerneqarpoq ikaarsaariarnermut ataatsimiititaliat marluusut ataatsimiiffissat ataqatigiissaarneqassasut akunnerminni, inassutiginarluni tamatuma sillimaffiginissaa, aammalu ikaarsaariarnermut ataatsimiititaliaq allannguuteqaratarsinnaaneranut eqaatsuussusermik takutitsisarnissaa.

Pissutsit nalignnaatillugit, sapinngisamik juli qaammat ataatsimiittoqartassanngilaq sulinnigiffeqarnerit eqqarsaatigalugit aammalu august septemberillu ilaa ilaatigut aavarfittut atortarmata. Missingersuutit sularinerinut il.il. atatillugu pisariaqarsinnaasassaaq piffissani taakkunani ataatsimiittoqartarsinnaanera.

Ataatsimiiffissatut pilersaarusiornermi tapiliunneqarpoq ullulersuiffissat missingersuusiornissamut ikaarsaariarnermut ataatsimiititalianut 2017-mi 2018-mullu.

Tapiliunneqarpoq 2017-mut ullorsiut. Inatsisartut ataatsimiiffissat ilaapput, taamaattoq ataatsimiiffissat EM2017-moortut suli ilisimaneqanngimmata.

**Inassuteqaat**

- **2017-mut Ikaarsaariarnermut ataatsimiititaliap ullut ataatsimiiffissat aalajangersaavigalugillu akuersissutigissavai.**

Ilanngussaq:

- Piffissaliussat missingersuutitut inissinissanut ikaarsaariarnermut ataatsimiititalianut 2017-mut aamma 2018-mut
- 2017-mut ullorsiut, QaKom-mimi ataatsimiiffissatut ullulissat

**Aalajangerneq:**

**K2-mi aningaasaqarnermut ataatsimiititaliaq pisinnaatitaavoq QK-mi ikaarsaariarnermut ataatsimiititaliaq aamma K1-mi ikaarsaariarnermut ataatsimiititaliaq ataqtigiissaaqatigalugit K2-mi ikaarsaariarnermut ataatsimiititaliaq ullut ataatsimiiffissai suliarissallugit.**

<b>Suliap normua /eqqartugaq</b>	<b>17-008 Aningaasaqarnermut ataatsimiititaliap ilaasortassaanik toqqaaneq</b>	<b>Ilanng. nr.</b>	
		<b>Journal nr.</b>	

Uteqqiineq:

Kommunini suliassaqaarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersaq malillugu ikaarsaariarnermut ataatsimiititaliap aningaasaqarnermut ataatsimiititaliaq pilersissavaa ataatsimiititalianillu ataaniittussanik pilersitsisinnaalluni.

Suliap saqqummiunneqarnera:

Ataatsimiititaliamik pilersitsisoqassangaluarpat/ pilersitsisoqarpat tamanna pissaaq kommunalbestyrelsinut atuuttunut periusaareersut malillugit, Inatsisartuit inatsisaat naapertorlugit aqutsilerumaartussanut kommunimi aalajangersagaasut malillugit. Siunniussaavoq ataatsimiititaliat taakku ingerlaannarsinnaanissaat 1.januar 2018-p kingorna. Kommunit aqunneqarnerat pillugu Inatsisartut inatsisaat nr. 22, 18. november 2010-meersaq §§ 24 aamma 26 malillugit, Kommunalbestyrelsip toqqarsinnaavaa ataatsimiititalianik ataavartunik pilersitsinissaq, takuuk aqutsinermut ileqqoreqqusami taakku katitigaanerat (oqaluuserisassani immikk.13-1020) soorlu aamma kommunalbestyrelsip aningaasaqarnermut ataatsimiititaliamut ilaasortassat toqqartarai.

Ikaarsaariarnermut ataatsimiititaliami siulittaasq aningaasaqarnermut ataatsimiititaliami inunnguuseralugu siulittaasuuvoq.

Ikaarsaariarnermut ataatsimiititaliap ilaasortaanit ilaasortat toqqarneqassapput avinneqarsinnaanngitsumillu amerlassuseqassallutik, kommunalbestyrelsimili ilaasortat affaat sinnersimassanagit. Ataatsimiititaliani ataavartuni ilaasortanut ataasiakkaanut sinnisussamik toqqaasoqassaaq, ataatsimiititaliamut aggersarneqarsinnaasumik ilaasortaviusup pisinnaanngiffiini.

Ataatsimiititaliat allat, “ataatsimiititaliat ataavartut” pillugit, taakkununga ilaasortassanik toqqaanerit naliginnaasumik pisarput ikaarsaariarnermut ataatsimiititaliap aqutsineranut ileqqoreqqusap nutaap aappassaaneerneranut atatillugu, tamatuma kingorna ataatsimiititaliat taakku piaarnerpaamik inissitsitissapput namminneerlutik iluminni siulittaasussaminnik toqqaassallutik.

Inatsit tunngavigineqartog:

Kommunit aqunneqarnerat pillugu Inatsisartut inatsisaat nr. 22, 18. november 2010-meersaq Kommunini suliassaqaarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersaq

Kingunissai:

Inassuteqaat atuutilersinneqarpat nalilerneqarpoq tamanna avatangiisinut, sulisoqarnikkut allatigulluunniit kinguneqassanngitsaq.

Aningaasatigut kingunissai:

Soqanngilaq

Suliarinnittut:

Suliaq ataatsimiititaliani/siunnersuiffinni allani suliarineqassanngilaq, ikaarsaariarnermut ataatsimiititaliaq aalajangiisinnaasutsumut pisinnaatitaaffeqarpoq.

Inassuteqaat:

**Ikaarsaariarnermut ataatsimiititaliaq qinnuvigineqarpoq aningaasaqarnermut ataatsimiititaliamut ilaasortassanik nutaanik toqqaaqqullugu D`Hondts-ip periusaa malillugu.**

Ilannussat:

**Aalajangerneq:**

- **Aningaasaqarnermut Ataatsimiititaliaq:**
- **Siulittaasoq Ane Hansen (IA)**
- **Siul. Tullia Otto Jerimiassen (S) – sinniisoq Jess Svane (S)**
- **Ilaasortaq Peter Olsen (IA)– sinniisoq Aqqa Samuelson (IA)**
- **Ilaasortaq Thomas Petersen (IA) – sinniisoq Kristian Jerimiassen (IA)**
- **Ilaasortaq Hans Aronsen (IA) – sinniisoq Niels Kristensen (IA)**
- **Ilaasortaq Timooq Mølgård (S) – sinniisoq Enok Sandgreen(S)**
- **Ilaasortaq Kristian Broberg (S) – sinniisoq Naja Petersen (S)**

<b>Suliap normua/ eqqartugaq</b>	<b>17-009 Borgmesterip tullersortaata siulliup aningsaatigut ajunngitsorsiassai pillugit aalajangerneq</b>	<b>Ilanngussap normua</b>	
		<b>Journal nr.</b>	

Uteqqiineq:

Kommunalbestyrelsi qinnuigineqarpoq aalajageeqqullugu, borgmesterip tullersortaata siulliup aningsaatigut ajunngitsorsiassai borgmesterip akissarsiaasa 15%-iannik aallaaveqassanersut imaluunniit borgmesteritut atuunnermini borgmesterip aningsaarsia tamakkiisut pisassanera. Borgmesterip tullersortaa siulleq aalajangernermi kisimi pineqarpoq.

Suliap saqqummiunneqarnera:

Borgmesterip tullersortaata siulliup aningsaatigut qanoq ajunngitsorsiassaartitaanissaa siusinnerusukkat aalajangersimasumik piunasaqaataaneq ajorpoq, nalunaarutilli 2011-imi allannortinneqarneratigut maannakkut piunasaqataavoq borgmesteri, tassumalu tullersortai il.il. qanoq aningsaalersorneqassanersut.

Inatsit tunngavigineqartoq:

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersorlutik Oqartussat nalunaarutaat nr. 1, 21. januar 2011-meersoq § 3. Imm. 1.

Kingunissai:

Ivertitsinissamut inassuteqaateqarnermi avatangiisinut, sulisunut allatigulluunniit kingunerluuteqarsinnaanera ilimagineqanngilaq.

Aningsaatigut kingunissai:

Borgmesterip feriarnerani sulinngiffeqarneraniluunniit borgmesterip aningsaarsiai tamakkerlugit tunniunneqarsinnaasunngorlugit aaqikkaluaraanniluunniit borgmesterip tullersortaanut siullermut akissaateqartitsineq annertunerusumik akissarsiaqartitsinerulernaviannigilaq. Qinigaaffiup iluani akissarsiaqartitsinermi periusut marluk atoraluaraanniluunniit akissarsiaritinneqartussat assigiinnarnissaat naatsorsuutigisariaqassaaq.

Suliarinnittut:

Suliaq ataatsimiititaliani allani/ siunnersuisoqatigiinneq eqqartugassaannigilaq. Kommunalbestyrelsip aalajangiisinnaanermut oqartussaaffianiippoq.

Inassuteqaat:

**Ikaarsaariarnermut ataatsimiititaliaq qinnuigineqarpoq, borgmesterip tulliata siulliup aningsaatigut ajunngitsorsiassaartinneqarnissaa qaammammoortoq borgmesterip akissarsiaasa 15%-iannik annertussuseqassasoq aalajangiivigeqqullugu.**

Ilanngussat:

Soqanngilaq

Aalajangerneq:

**Inassutigineqartoq akuerineqarpoq**



<b>Suliap nr. /eqqartugaq</b>	<b>17-010 Kommuniip taaguutaanik ilisarnaataanillu inassuteqaasiortussanik pilersitsineq</b>	<b>Ilanng nr.</b>	
		<b>Journal nr.</b>	

Suliap saqqummiunneqarnera:

Kommunini suliassa qarfiit aqqissuuteqqinneqarnerata allannngortinneqarneranik Inatsisartut inatsisaat nr. 30, 28. november 2016-imeersoq § 11, imm. 2 naapertorlugu ikaarsaariarnermut ataatsimiititaliap kingusinnerpaamik 1. August 2017-imi aalajangissavaa, kommuninngortussap nutaap atissaa ilisarnaataissaalu qanoq ittuussanersut.

Kommuninngortussani nutaani marluusuni kommunip atissaa ilisanaartissaalu qanoq ittuussanersut unammissutigineqarnissaat allaffeqarfimmiit suliakkiutigineqareernikuupput, siunnersuutit kingusinnerpaamik 1. maj-imi tunniunneqartussanngorlugit. Qanoq ateqassanersut qanorlu ilisarnaateqassanersut pillugit siunnersuutit maannakkut tiguneqarsimalereerput.

Ikaarsaariarnermut ataatsimiititaliaq qinnuigineqarpoq atsiinissamut ilisarnaasiinissamullu komitiuusussami ilaasortassanik inassuteqaasiortussanillu toqqaaqqullugu, taakkualu siunnersuutit tiguneqarsimasut qimerluuataassavaat taamaalioreerunillu atsiinissamut siunnersuuteqarsimasut pingasut kiisalu ilisarnaartissamut siunnersuuteqarsimasut pingasut inaarutaasumik aalajangiinissamut toqqassavaat, siunnersuutaasullu ikaarsaariarnermut ataatsimiititaliamut saqqummiutissavaat inaarutaasumik piaartumik aalajangiisoqarnissaa pisinnaaqqullugu.

Komitiiuusussami ilaasortassat 3-5-iunissaat siunnersuutigineqarpoq, taakkualu ikaarsaariarnermut ataatsimiititaliami ilaasortaasariaqanngillat, taamaattorli sumiiffigisami kulturimut inuiaqatigiinnullu tunngassutunut ilisimasaqarluarnissaat pisariaqartussaavoq.

Ikaarsaariarnermut ataatsimiititaliap komitiit marluk pilersissallugit aalajangiisinnaavoq; atermik ataatsimik ilisarnaammillu ataatsimik toqqaasinnaasumik.

Komitiinngortussat suliaqarnertik akissarsiaqaatigissanngilaat, atissalu ilisanaartissallu ikaarsariarnermut ataatsimiititaliamit akuersissutigineqareerpata komitii atorunnaarsinneqassaaq.

**Inassuteqaat:**

**Ikaarsaariarnermut ataatsimiititaliaq aalajangeeqqullugu qinnuigineqarpoq, komitiuusussami inassuteqaasiortussat qassiunissaat pillugu, kiisalu komitiuusussami kikkut inuttarineqassanersut.**

Ilanngussat:

- Atsiinissamut ilisarnaasiinissamullu unammisitsinissami allagarsiivinnut allagarsiussat.

**Aalajangerneq:**

**Komite inassuteqaasiortussaq tallimanik, innuttaasut akornanni toqqakkanik inuttaqassasoq aalajangiunneqarpoq aamma komite siunnersuutinik pingasunik inassuteqaasiornissaminut pisinnaatitaaffilerneqassasoq aalajangertoqarluni.**

<b>Suliap normua /eqqartugaq</b>	<b>17-011 Ilisimatitsissutit: siunnersuisooqatigiinni, ataatsimiititaliani, aningaasaateqarfinni, siulersuisuni il.il. ilaasortassanik toqqartuineq</b>	<b>Ilanngussap normua</b>	
		<b>Journal nr.</b>	01.01.00

Uteqqiineq:

Aktieselskabinut, suliffeqarfiit imminnut pigisutut ingerlasunut, kommunip suliffiutaanut, aningaasaateqarfinnut, peqatigiiffinnut, ataatsimiititalianut kiisalu siunnersuisooqatigiinnut ilaasortat kommunalbestyrelsip toqqartussaavai, taamaaliortoqassaarlu kommunalbestyrelsimit imaluunniit kommunimit qulaani pineqartunut aallartitaqartussaaneq tunngavigalugu, aqutsinermi inatsimmi 31-imi aalajangersakkat naapertorlugit.

Suliap saqqummiunneqarnera:

Kommunini suliassaqarfiit aqqissuuteqqinneqarnerata allannortinneqarneranik Inatsisartut inatsisaat nr. 30, 28. november 2016-imeersoq § 8 kiisalu § 2 imm. 3. Innersuussutigalugu, taamatuttaarlu Aqutsinermi inatsit § 31 imm. 2,2 naapertorlugu, ikaarsaariarnermut ataatsimiititaliap ilaasortassat qulaani pineqartut toqqartussavai 1. januar 2018-imiit atuutilertussanngorlugit, ilaasortassatullu toqqakkat kommunalbestyrelsip qinikkatut atuuffia tunngavigalugu atuutissapput.

Aqutsinermut inatsimmi § 31 allaqqavoq, ataatsimiititaliani, siunnersuisooqatigiini il.il. qulaani pineqartuni toqqakkat ataatsimiititalianik ataavartunik toqqartuisarnermi periuseq atorneqartassaaq (aningaasaqarnermut ataatsimiititaliaq aalaakkaasumik ataatsimiititaliaavoq, ataavartumik atuuttussatut inissitaanani). Ataatsimiititaliat allat ataavartumik ingerlasussat aatsaat atuutilersinnaapput aqutsinermut ileqqoreqqusap aappassaaneerlugu oqaluuserineqareerpat, oqaluuserineqareerpallu ataatsimiititaliani ilaasortassanik toqqartuineq aatsaat pisinnaavoq.

Atuisartut ataatsimiititaliaat:

Immikkut malugeqqusatut oqaatigineqassaaq, Atuisartunut pisisartullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersoq atortunnaarnikuuvoq. Taamaatumik qulaani pineqartuni ilaasortassanik *toqqaasoqarsinnaanngilaq*. Illoqarfiit ilaanni ataatsimiititaliat ilaat suliassaminnik suli ingerlataqarput isumagisartakkatillu ingerlatiinnarlugit, aammattaaq innuttaasunit/ atuisartunit apersuutigineqartarpoq sumiiffigisami atuisartut pisisartullu saaffigisinnaasaannik peqarnerseq. Tamatuma eqqartorneqarsinnaanera ataatsimiinnermi allami kingusinnerusukkut pisussami pisinnaavoq, taamaaliortoqarsinnaaneralu inassutigineqarpoq, ataatsimiititaliamimi pineqartumi suliassat atuuffissallu sukumiisumik eqqarsaasersuutigeerlugit pilersitsinissamut tunngassuteqartut eqqartorneqarsinnaammata.

Illoqarfinni ataasiakkaani innarluutilinnut kiisalu utoqqarnut siunnersuisooqatigiinnik pilersitsisoqarnikuuvoq, inunnik isumaginninnermut ataatsimiititaliamit ilaasortassat toqqartorneqarnikuullutik.

Ataatsimiititaliani, siunnersuisooqatigiinni, nævnini, siulersuisuni il.il. ilaasortassatut toqqartukkat ikaarsaariarnermut ataatsimiititaliamut kingusinnerusukkut nassiussuunneqarumaarput.

Inassuteqaat:

**Ikaarsaariarnermut ataatsimiititaliaq qinnuigineqarpoq ilisimatitsissutinut tunngassuteqartut tusaatissatut figuneqassasut.**

Aalajangerneq:

**Tusaatissatut figuneqarpoq**

## ILISIMATITSISSUTIT

Ilaasortanit siunnersuutit, ataatsimiititaliani imaluunniit allaffissornikkut suliarineqartussatut ingerlateqqitat.

Ilaasortanit apequtit, allaffissornikkut akineqartut.

**Ataatsimiinneq naavoq**

**Atsiorfissaq:**

Hansen, Ane \_\_\_\_\_

Olsen, Peter \_\_\_\_\_

Sørensen, Hector Lennert \_\_\_\_\_

Samuelson, Aqqa \_\_\_\_\_

Aronsen, Hans \_\_\_\_\_

Petersen, Thomas \_\_\_\_\_

Kristensen, Niels \_\_\_\_\_

Svane, Jess \_\_\_\_\_

Sandgreen, Enok \_\_\_\_\_

Mølgaard, Timooq \_\_\_\_\_

Jeremiassen, Otto \_\_\_\_\_

Jeremiassen, Kristian \_\_\_\_\_

Jeremiassen, Nikolaj \_\_\_\_\_

Broberg, Kristian \_\_\_\_\_

Petersen, Naja \_\_\_\_\_